



საჯარო სამართლის იურიდიული პირი -
ივანე ჯავახიშვილის სახელობის თბილისის სახელმწიფო უნივერსიტეტი
სოციალურ და პოლიტიკურ მეცნიერებათა ფაკულტეტი

LEGAL ENTITY OF PUBLIC LAW -
IVANE JAVAKHISHVILI TBILISI STATE UNIVERSITY
FACULTY OF SOCIAL AND POLITICAL SCIENCES

№ 07/30-09

„8“ 05 2017

სსიპ - ივანე ჯავახიშვილის სახელობის თბილისის სახელმწიფო უნივერსიტეტის
სოციალურ და პოლიტიკურ მეცნიერებათა ფაკულტეტის

დეკანის ბრძანება # 7/2017

სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის N84/01-01(04.05.2017) ბრძანებით დამტკიცებული პროგრამის „სახელმწიფო სტიპენდიები სტუდენტებს“ ფარგლებში თბილისის სახელმწიფო უნივერსიტეტის ბაკალავრიატის საგანმანათლებლო პროგრამაზე ჩარიცხულ სტუდენტთა ფინანსური წახალისებისათვის კანდიდატთა შერჩევის კრიტერიუმების დადგენის, ფაკულტეტებზე სახელმწიფო სტიპენდიით დასაფინანსებელი სტუდენტების რაოდენობის განსაზღვრისა და ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის საბჭოს 2016 წლის 29 სექტემბრის სხდომაზე დამტკიცებული (ოქმიN6, 29.09.2016) ბაკალავრიატის სტუდენტთა დაფინანსების წესის საფუძველზე

ებრძანებ

1. განხორციელდეს სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის N57/01-01 (17.04.2015) ბრძანების შესაბამისად თსუ-ის სოციალურ და პოლიტიკურ მეცნიერებათა ფაკულტეტის ბაკალავრიატის საგანმანათლებლო პროგრამაზე ჩარიცხულ სტუდენტთაგან სახელმწიფო სტიპენდიის მოსაპოვებლად 76 კანდიდატის შერჩევა.
2. სტიპენდიით დაფინანსებისათვის შესარჩევ კანდიდატთა შეფასება განხორციელოს ფაკულტეტის საბჭოს (ოქმი # 6. 29.09.2016) მიერ დამტკიცებულმა საკონკურსო კომისიამ შემდეგი შემადგენლობით:

- ✓ მარინა ბურძენიძე – დეკანის მოადგილე, კომისიის თავმჯდომარე
- ✓ ვალერიან მელიქიძე – დეკანის მოადგილე
- ✓ ნათელა მონიავა – სასწავლო პროცესის სამსახურის მართვის უფროსი
- ✓ ნათია დათიაშვილი – უფროსი სპეციალისტი
- ✓ თამარ გოგორიშვილი – უფროსი სპეციალისტი
- ✓ მაია ულენტი – უფროსი სპეციალისტი
- ✓ თამარ ქარსაულიძე – უფროსი სპეციალისტი
- ✓ ნინო ქუფარაშვილი – უფროსი სპეციალისტი

3. საბუთების მიღების ვადად განისაზღვროს პერიოდი 2017 წლის 8 მაისის 10.00 სთ–დან - 15 მაისის 18:00სთ–მდე პერიოდი;
4. კონკურსის საბოლოო შედეგები გამოქვეყნდეს 2017 წლის 18 მაისს;
5. საკონკურსო კომისიამ იხელმძღვანელოს სოციალურ და პოლიტიკურ მეცნიერებათა ფაკულტეტის საბჭოს მიერ დამტკიცებული (ოქმი #6.29.09.2016) „სახელმწიფო სტიპენდიები სტუდენტებს“ პროგრამის ფარგლებში სტუდენტთა დაფინანსების წესით (იხ. დანართი#1);
6. ფაკულტეტის სასწავლო პროცესის მართვის სამსახურმა უზრუნველყოს დაინტერესებულ პირთათვის ბრძანების გაცნობა და თვალსაჩინო ადგილზე განთავსება;
7. ბრძანება ძალაშია გამოცემისთანავე.

სოციალურ და პოლიტიკურ მეცნიერებათა
 ფაკულტეტის დეკანი, ასოცირებული პროფესორი

  თ. დოლობაია

ივანე ჯავახიშვილის თბილისის სახელობის სახელმწიფო უნივერსიტეტის პროგრამის
„სახელმწიფო სტიპენდიები სტუდენტებს“ ფარგლებში
სტიპენდიების მინიჭების საფაკულტეტო წესი

1) „სახელმწიფო სტიპენდიები სტუდენტებს“ პროგრამის ფარგლებში სტიპენდიებით დაფინანსება ითვალისწინებს სოციალურ და პოლიტიკურ მეცნიერებათა ფაკულტეტის ბაკალავრიატის საგანმანათლებლო პროგრამაზე ჩარიცხული სტუდენტის დაფინანსებას წინა სემესტრის შედეგების გათვალისწინებით, შერჩევის საფუძველზე. ასევე, დაფინანსება გაცემა იმ სტუდენტზე, რომელსაც კალენდარულ სემესტრში სტატუსი შეჩერებული ჰქონდა უცხო ქვეყნის უმაღლეს საგანმანათლებლო დაწესებულებაში სწავლის გამო, ევროკომისიის მიერ დაფინანსებული ერასმუს მუნდუსის პროექტების, საერთაშორისო საგანმანათლებლო პროგრამებისა და თსუ-სა და უცხო ქვეყნის უმაღლეს საგანმანათლებლო დაწესებულებებს (პარტნიორ უნივერსიტეტებს) შორის გაფორმებული ხელშეკრულებების/მემორანდუმების საფუძველზე, სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის 2014 წლის 5 დეკემბრის ბრძანების №2013/01-01 (დანართი №1) შესაბამისად.

2) სტიპენდიით დაფინანსებისათვის კანდიდატთა შერჩევა განხორციელდება სტუდენტთა აკადემიური მოსწრებისა (თითოეულ საგანში არანაკლებ 81 ქულისა) და წინა სემესტრში შესრულებული მინიმუმ 30 კრედიტის საფუძველზე 100 ქულიანი სისტემით:

ა) აკადემიური მოსწრება - შეფასდება 80 ქულით, რომელიც გამოითვლება სტუდენტის მიერ უნივერსიტეტში, ასევე ამ წესის პირველი პუნქტით გათვალისწინებულ უცხო ქვეყნის უმაღლეს საგანმანათლებლო დაწესებულებებში, წინა სემესტრში სასწავლო კურსებში მიღებული ქულების საშუალო არითმეტიკულის გამოანგარიშებით, რომელიც გამრავლდება 80-ზე და გაიყოფა 100-ზე.

ბ) სამეცნიერო ნაშრომების გამოქვეყნება - შეფასდება მაქსიმუმ 10 ქულით. მიიღება წინა სემესტრში გამოქვეყნებული ნაშრომები.

2 ქულა - პუბლიკაციები ქართულ ან უცხოურ, ბეჭდურ ან ელექტრონულ სამეცნიერო გამოცემებში;

3 ქულა - პუბლიკაციები ქართულ ან უცხოურ ბეჭდურ, ან ელექტრონულ რეცენზირებად/რეფერირებად პერიოდულ სამეცნიერო გამოცემებში.

გ) სამეცნიერო სტუდენტურ კონფერენციებში მონაწილეობა - შეფასდება მაქსიმუმ 10 ქულით (ჩაითვლება წინა სემესტრში ჩატარებული კონფერენციები).

1 ქულა - საქართველოში შესაბამისი ფორმალური მხარდაჭერით ორგანიზებულ სტუდენტურ საუნივერსიტეტო სამეცნიერო კონფერენციაში მონაწილეობა;

2 ქულა - თსუ-ს საფაკულტეტო და საუნივერსიტეტო სტუდენტურ სამეცნიერო კონფერენციაში მონაწილეობა;

3 ქულა – საერთაშორისო სამეცნიერო კონფერენციაში მონაწილეობა და თსუ-ს საფაკულტეტო და საუნივერსიტეტო კონფერენციებში გამარჯვება.

3) სტიპენდიით დაფინანსებისათვის შესარჩევ კანდიდატთა შეფასებას ახორციელებს ფაკულტეტის საბჭოს მიერ დამტკიცებული საკონკურსო კომისია.

4) საკონკურსო კომისია იხელმძღვანელებს სტუდენტის მიერ მოწოდებული დოკუმენტებით. ბეჭდური გამოცემის შემთხვევაში, სტუდენტმა უნდა წარმოადგინოს პუბლიკაციის ასლი, თავფურცლისა და სარჩევის დართვით; კონფერენციაში მონაწილეობის შემთხვევაში – კონფერენციის პროგრამა და მონაწილის სერტიფიკატი.

5) სტიპენდია არ გაიცემა დამატებითი სემესტრის სტუდენტზე.

6) თუ სტიპენდიის კანდიდატებმა დააგროვეს თანაბარი ქულები, უპირატესობა მიენიჭება მაღალი GPA –ს (სემესტრული) მქონე სტუდენტს.

7) სტიპენდიით დასაფინანსებელ სტუდენტთა სიას, ფაკულტეტის დეკანი საკონკურსო კომისიის დასკვნის საფუძველზე, დასამტკიცებლად წარუდგენს უნივერსიტეტის რექტორს.

შენიშვნა 1:

წინა სემესტრის პერიოდი აითვლება ადმინისტრაციული რეგისტრაციის დაწყებიდან მომდევნო სემესტრის დაწყებამდე.

შენიშვნა 2:

საპუბლიკაციოდ შესარჩევი სამეცნიერო ჟურნალის კრიტერიუმები:

1. ჟურნალს უნდა გააჩნდეს ISSN ან ISBN კოდი;

2. ჟურნალს უნდა ჰყავდეს აკადემიური სარედაქციო კოლეგია;

3. სტატია გამოქვეყნებული უნდა იყოს ინდივიდუალურად ან არაუმეტეს ბაკალავრიატის საფეხურის მხოლოდ ერთ თანაავტორთან (სხვა საფეხურის სტუდენტებთან ან ხელმძღვანელებთან ერთად გამოქვეყნებულ სტატიებში ავტორების რაოდენობა არ არის შეზღუდული);

4. პრეტენდენტს სასტიპენდიოდ ჩათვლება ნომერში გამოქვეყნებული მხოლოდ ერთი სტატია.

5. პრეტენდენტმა უნდა წარმოადგინოს პუბლიკაციის ასლი თავფურცელისა და სარჩევის დართვით; კონფერენციაში მონაწილეობის შემთხვევაში – კონფერენციის პროგრამა და მონაწილის სერტიფიკატი;

„სახელმწიფო სტიპენდიები სტუდენტებს“ პროგრამის ფარგლებში სტიპენდიების მინიჭების
საკონკურსო კომისია

1. მარინა ბურძენიძე – დეკანის მოადგილე, კომისიის თავმჯდომარე
2. ვალერიან მელიქიძე – დეკანის მოადგილე
3. ნათელა მონიავა – სასწავლო პროცესის სამსახურის მართვის უფროსი
4. ნათია დათიაშვილი – მთავარი სპეციალისტი
5. თეონა მატარაძე – სამეცნიერო კვლევებისა და განვითარების სამსახურის უფროსი
6. თამარ გოგორიშვილი – უფროსი სპეციალისტი
7. ლუიზა აბაზაძე – მთავარი სპეციალისტი
8. თამარ ქარსაულიძე – უფროსი სპეციალისტი
9. კონსტანტინე შუბითიძე – უფროსი სპეციალისტი
10. ნინო ქუფარაშვილი – უფროსი სპეციალისტი

დამტკიცებულია: სოციალურ და პოლიტიკურ მეცნიერებათა ფაკულტეტის საბჭოს 2016 წლის
29 სექტემბრის სხდომაზე (ოქმი N6)